



SLUŽBENE NOVINE GRADA ZENICA

GODINA XLIX
Broj 3

Četvrtak, 09.03.2023. godine

ISSN 1840-4588

GRADSKO VIJEĆE

26.

Na osnovu člana 21. tačka 14) Statuta Grada Zenica („Službene novine Grada Zenica“, broj 5/15) i člana 25. Odluke o javnim priznanjima Zenice („Službene novine općine Zenica“, broj 10/01- prečišćen tekst), na prijedlog Ocjenjivačkog suda za javna priznanja Zenice, Gradsko vijeće Zenica, na 31. sjednici održanoj 09.03.2023. godine, donijelo je

O D L U K U

O DODJELI JAVNIH PRIZNANJA ZENICE POVODOM 20. MARTA - DANA GRADA ZENICA

I

GRB GRADA ZENICE dodjeljuje se:

1. Fuadu Kasumoviću, Gradonačelniku Grada Zenica
2. prof.dr. Mahmutu Karaliću, posthumno

II

NAGRADA ZENICE dodjeljuje se:

1. dr. Ibrahimu Ceri

Novčani iznos javnog priznanja „**NAGRADA ZENICE**“ utvrđuje se u visini od **2.500,00 KM**.

III

„**PLAKETA ZENICE**“ dodjeljuje se:

1. UG „Naš most“
2. Husniji Arapoviću, posthumno

IV

Javna priznanja iz ove odluke uručit će se na svečanoj sjednici Gradskog vijeća Zenica.

V

Ova odluka stupa na snagu danom donošenja i objavit će se u „Službenim novinama Grada Zenica“.

Broj: 01-45-4772/23
Zenica, 09.03.2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

27.

Na osnovu člana 2.12 stav (5) Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 7. Uputstva o utvrđivanju kvalifikacija, broju, imenovanju, obuci i razrješavanju članova izborne komisije osnovne izborne jedinice u Bosni i Hercegovini („Službeni glasnik BiH“, br. 67/21, 73/21, 1/22 - prečišćeni tekst i 13/22) i člana 21. tačka 18) Statuta Grada Zenica („Službene novine Grada Zenica“, broj 5/15), Gradsko vijeće Zenica, na 31. sjednici održanoj 09.03.2023. godine, donijelo je

O D L U K U

o objavljivanju Javnog oglasa za imenovanje pet članova Gradske izborne komisije Zenica

Član 1.

Ovom Odlukom određuje se objavljivanje Javnog oglasa, postupak i kriteriji za imenovanje pet članova Gradske izborne komisije Zenica.

Sastavni dio ove Odluke je tekst Javnog oglasa za imenovanje pet članova Gradske izborne komisije Zenica.

Član 2.

Pet članova Gradske izborne komisije Zenica imenuju se na mandatni period od 7 (sedam) godina.

Član 3.

Kandidat za člana Gradske izborne komisije, u skladu sa članom 2.2 Izbornog zakona BiH, mora ispunjavati sljedeće opće uslove:

- a) da ima pravo glasa;
- b) da ima odgovarajuću stručnu spremu.

Pored navedenih općih uvjeta, kandidat mora ispunjavati i posebne uvjete:

- a) da ima prebivalište na području grada Zenica;
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS;
- c) da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji;
- b) članstvo u biračkom odboru na izborima obuhvaćenim Izbornim zakonom BiH.

Član 4.

Za člana Gradske izborne komisije ne može biti imenovana osoba:

- a) koja se ne može kandidovati u smislu odredbi članova 1.6, 1.7 i 1.7a Izbornog zakona BiH;
- b) koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
- c) koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;
- d) koja je kandidat za izbore za bilo koji nivo vlasti;
- e) kojoj je izrečena kazna za radnju koja predstavlja težu povredu Izbornog zakona ili propisa za koju je lično odgovorna, u posljednje četiri godine, računajući od dana pravosnažnosti odluke.

Član 5.

Za sprovođenje postupka po ovom javnom oglasu određuje se Komisija za izbor i imenovanje.

Član 6.

Komisija iz člana 5. ove Odluke je obavezna:

- provesti postupak oglašavanja;
- po zatvaranju Javnog oglasa izvršiti klasifikaciju kandidata na kandidate koji ispunjavaju uslove tražene Javnim oglasom i na kandidate koji ne ispunjavaju uslove, te sačiniti zapisnik;
- obavijestiti pisanim putem sve prijavljene kandidate o rezultatima izvršene klasifikacije;
- sa kandidatima koji ispunjavaju uslove Javnog oglasa obaviti intervju, te sačiniti zapisnik;
- izvršiti konačno bodovanje kandidata po osnovu: stručne spreme, naučnog zvanja, izbornog iskustva i uspjeha postignutog na intervjuu, te sačiniti rang-listu sa redoslijedom kandidata prema uspjehu (ukupnom broju osvojenih bodova);
- podnijeti pisani izvještaj Gradskom vijeću o provedenom postupku kvalifikacije kandidata i prijedlog rang-liste.

Gradsko vijeće Zenica, cijeneći položaj kandidata na listi, donosi odluku o imenovanju pet članova Gradske izborne komisije Zenica.

Član 7.

Javni oglas za imenovanje pet članova Gradske izborne komisije Zenica bit će objavljen u dnevnom listu „Oslobođenje“, na web stranici Grada Zenica (www.zenica.ba) i oglasnoj ploči Grada Zenica.

Javni oglas iz stava 1. ovog člana ostat će otvoren 8 (osam) dana od dana objavljivanja u dnevnom listu „Oslobođenje“.

Član 8.

Za stručnu i tehničku podršku Komisiji zadužuje se Stručna služba Gradskog vijeća.

Član 9.

Ova Odluka stupa na snagu danom donošenja, a naknadno će biti objavljena u „Službenim novinama Grada Zenica“.

Broj: 01-45-4752/23
Zenica, 09.03.2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

Na osnovu člana 2.12 st. (5) Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 7. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 67/21, 73/21, 1/22 - prečišćeni tekst i 13/22) i člana 1. Odluke o objavljivanju Javnog oglasa za imenovanje pet članova Gradske izborne komisije Zenica broj: 01-45-4752/23 od 09.03.2023. godine, Gradsko vijeće Zenica objavljuje

**JAVNI OGLAS
za imenovanje pet članova Gradske izborne
komisije Zenica**

I

Objavljuje se Javni oglas za imenovanje pet članova Gradske izborne komisije Zenica.

Člana Gradske izborne komisije imenuje Gradsko vijeće Zenica, uz saglasnost Centralne izborne komisije Bosne i Hercegovine na period od 7 (sedam) godina, od dana davanja saglasnosti Centralne izborne komisije BiH.

Kandidat za člana Gradske izborne komisije treba ispunjavati sljedeće opće uslove:

1. da je osoba sa pravom glasa;
2. da je osoba sa odgovarajućom stručnom spremom.

II

- (1) Pored uslova iz tačke I ovog oglasa, osoba koja je kandidat za člana Gradske izborne komisije mora ispunjavati sljedeće posebne uslove:
 - a) da ima prebivalište na području grada Zenica;
 - b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
 - c) da posjeduje iskustvo u provođenju izbora.
- (2) Pod iskustvom u provođenju izbora podrazumijeva se:
 - a) članstvo u izbornoj komisiji i
 - b) članstvo u biračkom odboru na izborima obuhvaćenim Izbornim zakonom BiH.

III

- (1) Sastav Gradske izborne komisije mora biti multietničan tako da odražava zastupljenost konstitutivnih naroda, uključujući i ostale vodeći računa o posljednjem popisu stanovništva provedenom na državnom nivou.
- (2) U sastavu izborne komisije nastojeće se obezbijediti zastupljenost spolova u skladu sa odredbom čl. 2.14 st. (1) Izbornog zakona Bosne i Hercegovine.

IV

U skladu sa članom 2.3 Izbornog zakona BiH, za člana Gradske izborne komisije ne može biti imenovana osoba:

1. koja se ne može kandidirati u smislu odredbi članova 1.6, 1.7 i 1.7a Izbornog zakona BiH;
2. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
3. koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;

4. koja je kandidat za izbore za bilo koji nivo vlasti;
5. kojoj je izrečena kazna za radnju koja predstavlja težu povredu Izbornog zakona ili propisa za koju je lično odgovorna, u posljednje četiri godine, računajući od dana pravosnažnosti odluke.

V

Član Gradske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

VI

Uz svojeručno potpisanu prijavu na Javni oglas, koja sadrži kontakt podatke podnosioca prijave i listu priloženih dokumenata, potrebno je dostaviti sljedeću dokumentaciju:

1. kraću biografiju;
2. ovjerenu kopiju diplome o stečenoj stručnoj spremi kandidata, nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma;
3. dokaz o posjedovanju iskustva kandidata u provođenju izbora, koji mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;
4. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH - jednoj ili više obuka (ukoliko kandidat posjeduje navedeno);
5. ovjerenu fotokopiju lične karte;

6. dokaz o prebivalištu kandidata (obrazac PBA-3), ne stariji od tri mjeseca od dana izdavanja od nadležnog organa;
7. svojeručno potpisanu i od nadležnog organa ovjerenu izjavu o nepostojanju smetnji iz tačke IV ovog javnog oglasa (član 2.3 Izbornog zakona BiH) - (Prilog 5 Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini);
8. izjavu o nacionalnom izjašnjenju, svojeručno potpisanu i ovjerenu od nadležnog organa, koja obavezno sadrži tekst „sa posljednjeg popisa stanovništva u Bosni i Hercegovini“;
9. svojeručno potpisanu i od nadležnog organa ovjerenu izjavu o nepostojanju smetnji iz tačke V ovog javnog oglasa (član 2.12 stav (7) Izbornog zakona BiH), odnosno da osoba koja je kandidat za člana gradske izborne komisije nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže.

VII

Ovaj javni oglas bit će objavljen u dnevnom listu „Oslobođenje“, na web stranici Grada Zenica (www.zenica.ba) i oglasnoj ploči Grada Zenica.

Dokumenti koji se prilažu uz prijavu moraju biti originali ili ovjerene kopije.

Rok za podnošenje prijave je 8 dana od dana objave u dnevnom listu „Oslobođenje“.

Prijavu na ovaj javni oglas dostaviti preporučeno poštom, ili na protokol Grada, u zatvorenoj kovrti sa naznakom:

**„JAVNI OGLAS ZA IMENOVANJE PET
ČLANOVA GRADSKE IZBORNE KOMISIJE
ZENICA – NE OTVARAJ“**

na sljedeću adresu:

**GRAD ZENICA
KOMISIJA ZA IZBOR I IMENOVANJA
Trg BiH br 6, 72 000 Zenica**

Komisija će obaviti intervju, nakon čega će sačiniti rang-listu sa redoslijedom kandidata prema uspjehu (ukupnom broju bodova) i istu dostaviti Gradskom vijeću. Nepotpune i neblagovremene prijave neće biti razmatrane.

PREDSJEDAVALA
GRADSKOG VIJEĆA ZENICA
Mirza Husetić, s.r.

28.

Na osnovu člana 223. stav (2) Zakona o upravnom postupku („Službene novine Federacije BiH“, broj: 2/98, 48/99 i 61/22) i člana 21. tačka 18) Statuta Grada Zenica („Službene novine Grada Zenica“, broj 5/15), Gradsko vijeće Zenica, na 31. sjednici održanoj 09.03.2023. godine, donijelo je

R J E Š E N J E

**o imenovanju Drugostepene komisije
za rješavanje po žalbi protiv rješenja u
prvostepenom upravnom postupku**

I

Imenuje se Drugostepena komisija za rješavanje po žalbi protiv rješenja koja su donesena u prvostepenom upravnom postupku na osnovu Statuta Grada Zenica ili propisa Gradskog vijeća Zenica u okviru isključivih prava i dužnosti Grada, u sljedećem sastavu:

1. Đemka Novak, predsjednica,
2. Nusret Adilović, član,
3. Ivana Đukić, članica.

II

Drugostepena komisija iz tačke I ovog rješenja imenuje se na period od dvije godine.

III

Za poslove navedene u tački I ovog rješenja, članovima Komisije isplaćivat će se mjesečna naknada.

Iznos naknade i način isplate regulisat će se posebnim aktom Gradonačelnika.

IV

Stupanjem na snagu ovog rješenja prestaje da važi Rješenje o imenovanju drugostepene komisije za rješavanje po žalbi protiv rješenja u prvostepenom upravnom postupku broj: 01-45-2130/21 od 04.02.2021. godine („Službene novine Grada Zenica“, broj 1/21).

V

Ovo rješenje stupa na snagu danom donošenja i objavit će se u „Službenim novinama Grada Zenica“.

Broj: 01-45-4774/23
Zenica, 09.03.2023.god.

PREDSJEDAVALA
GRADSKOG VIJEĆA ZENICA
Mirza Husetić, s.r.

29.

Na osnovu člana 21. tačka 17), a u vezi sa članom 116. stav (3) Statuta Grada Zenica („Službene novine Grada Zenica“, broj 5/15), i člana 45. Poslovnika Gradskog vijeća („Službene novine Grada Zenica“, broj: 4/17, 4/20 i 10/21), Gradsko vijeće Zenica na 31. sjednici, održanoj dana 09.03.2023. godine, donijelo je

R J E Š E N J E

**o razrješenju članova stalnih radnih tijela
Gradskog vijeća Zenica**

I

1. **Armin Hadžić**, razrješava se dužnosti člana Etičke komisije Gradskog vijeća Zenica.
2. **Aldin Isaković**, razrješava se dužnosti člana Etičke komisije Gradskog vijeća Zenica.
3. **Meliha Spahić**, razrješava se dužnosti članice Etičke komisije Gradskog vijeća Zenica.
4. **Harun Čolić**, razrješava se dužnosti člana Komisije za pitanja mladih Gradskog vijeća Zenica.
5. **Šejla Huseinspahić**, razrješava se dužnosti članice Komisije za pitanja mladih Gradskog vijeća Zenica.
6. **Merim Berberović**, razrješava se dužnosti člana Komisije za pitanja mladih Gradskog vijeća Zenica.
7. **Venad Brkić**, razrješava se dužnosti člana Komisije za pitanja mladih Gradskog vijeća Zenica.
8. **Amila Bojić**, razrješava se dužnosti članice Komisije za pitanja mladih Gradskog vijeća Zenica.

9. **Amel Šišić**, razrješava se dužnosti člana Komisije za propise Gradskog vijeća Zenica.
10. **Eldina Mujaković**, razrješava se dužnosti članice Komisije za ravnopravnost spolova Gradskog vijeća Zenica.
11. **Sefedin Hrustić**, razrješava se dužnosti člana Komisije za ravnopravnost spolova Gradskog vijeća Zenica.
12. **Elmin Šabanović**, razrješava se dužnosti člana Komisije za prostorno planiranje i ekologiju Gradskog vijeća Zenica.
13. **Osman Mehinagić**, razrješava se dužnosti člana Komisije za prostorno planiranje i ekologiju Gradskog vijeća Zenica.
14. **Alen Kapković**, razrješava se dužnosti člana Komisije za prostorno planiranje i ekologiju Gradskog vijeća Zenica.
15. **Denan Pašalić**, razrješava se dužnosti člana Komisije za obilježavanje značajnih datuma, događaja i ličnosti Gradskog vijeća Zenica.
16. **Kenan Uzunović**, razrješava se dužnosti člana Komisije za obilježavanje značajnih datuma, događaja i ličnosti Gradskog vijeća Zenica.
17. **Elvis Alijagić**, razrješava se dužnosti člana Komisije za društvene djelatnosti, socijalni rad i boračko-invalidsku zaštitu Gradskog vijeća Zenica.

II

Ovo rješenje stupa na snagu danom donošenja i biće objavljeno u "Službenim novinama Grada Zenica".

Broj: 01-45-4806/23
Zenica, 09.03.2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

30.

Na osnovu člana 21. tačka 17), a u vezi sa članom 116. stav (3) Statuta Grada Zenica ("Službene novine Grada Zenica", broj 5/15), i člana 45. Poslovnika Gradskog vijeća ("Službene novine Grada Zenica", broj: 4/17, 4/20 i 10/21), Gradsko vijeće Zenica na 31. sjednici, održanoj dana 09.03.2023. godine, donijelo je

R J E Š E N J E

o imenovanju članova stalnih radnih tijela Gradskog vijeća Zenica

I

1. **Adis Mlačo**, imenuje se na dužnost člana Etičke komisije Gradskog vijeća Zenica.
2. **Adaleta Bedak-Tahirović**, imenuje se na dužnost članice Etičke komisije Gradskog vijeća Zenica.
3. **Eniz Patković**, imenuje se na dužnost člana Etičke komisije Gradskog vijeća Zenica.
4. **Lamija Ibraković**, imenuje se na dužnost članice Komisije za pitanja mladih Gradskog vijeća Zenica.
5. **Benaris Kahrیمان**, imenuje se na dužnost člana Komisije za pitanja mladih Gradskog vijeća Zenica.
6. **Lejla Hamzić**, imenuje se na dužnost članice Komisije za pitanja mladih Gradskog vijeća Zenica.
7. **Ilham Podojak**, imenuje se na dužnost člana Komisije za pitanja mladih Gradskog vijeća Zenica.
8. **Samra Gluhić**, imenuje se na dužnost članice Komisije za pitanja mladih Gradskog vijeća Zenica.
9. **Kenan Fifić**, imenuje se na dužnost člana Komisije za propise Gradskog vijeća Zenica.
10. **Azra Ganić**, imenuje se na dužnost članice Komisije za ravnopravnost spolova Gradskog vijeća Zenica.

11. **Nasira Šarić**, imenuje se na dužnost članice Komisije za ravnopravnost spolova Gradskog vijeća Zenica.
12. **Mirza Husetić**, imenuje se na dužnost člana Komisije za prostorno planiranje i ekologiju Gradskog vijeća Zenica.
13. **Denan Pašalić**, imenuje se na dužnost člana Komisije za prostorno planiranje i ekologiju Gradskog vijeća Zenica.
14. **Mirzet Skopljak**, imenuje se na dužnost člana Komisije za prostorno planiranje i ekologiju Gradskog vijeća Zenica.
15. **Elmedina Hasanspahić**, imenuje se na dužnost članice Komisije za obilježavanje značajnih datuma, događaja i ličnosti Gradskog vijeća Zenica.
16. **Sefedin Hrustić**, imenuje se na dužnost člana Komisije za obilježavanje značajnih datuma, događaja i ličnosti Gradskog vijeća Zenica.
17. **Amel Šišić**, imenuje se na dužnost člana Komisije za društvene djelatnosti, socijalni rad i boračko-invalidsku zaštitu Gradskog vijeća Zenica.

II

Ovo rješenje stupa na snagu danom donošenja i biće objavljeno u "Službenim novinama Grada Zenica".

Broj: 01-45-4811/23
Zenica, 09.03.2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

GRADONAČELNIK

31.

Na osnovu člana 34. Statuta Grada Zenica ("Službene novine Grada Zenica", broj: 5/15) i člana 19. Odluke o izvršavanju Budžeta Grada Zenica za 2023. godinu, broj: 01-11-2584/23 od 08.02.2023. godine, na prijedlog Službe za socijalnu zaštitu, stambene poslove i društvene djelatnosti, Gradonačelnik Zenice donosi

ZAKLJUČAK

o uvećanju sredstava u Budžetu Grada Zenica za 2023. godinu

I

Odobrava se uvećanje sredstava u Budžetu Grada Zenica za 2023. godinu, broj: 01-11-2583/23 od 08.02.2023. godine u iznosu od 5.000,00 KM na organizacionom kodu 59010001 – Služba za socijalnu zaštitu, stambene poslove i društvene djelatnosti.

II

Uvećanje sredstava u Budžetu Grada Zenica za 2023. godinu iz tačke I vrši se na sljedeći način:

a) u dijelu A-2 PRIHODI I PRIMICI, iznos na budžetskoj poziciji 77 - "Tekući transferi od države za realizaciju podrške sistema prihvata i integracije bh državljana koji se vraćaju po osnovu sporazuma o readmisiji", ekonomski kod 732111, uvećava se za iznos od 5.000,00 KM.

Nakon uvećanja UKUPNO PRIHODI I PRIMICI BUDŽETA iznose 84.815.319,32 KM.

b) u dijelu B-2 POSEBAN DIO - RASHODI I IZDACI PO BUDŽETSKIM KORISNICIMA, na organizacionom kodu 59010001 – Služba za socijalnu zaštitu, stambene poslove i društvene djelatnosti, iznos na budžetskoj poziciji 130 - "Transfer pojedincima - realizacija podrške sistema prihvata i integracije bh državljana koji se vraćaju po osnovu sporazuma o readmisiji - BiH", ekonomski kod 614200, funkcija 1099, uvećava se za iznos od 5.000,00 KM.

Nakon uvećanja UKUPNO RASHODI I IZDACI BUDŽETA iznose 84.815.319,32 KM.

III

Za realizaciju ovog zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-4031/23

Zenica, 28.02.2023. godine

GRADONAČELNIK
Fuad Kasumović, s.r.

32.

Na osnovu člana 34. Statuta Grada Zenica ("Službene novine Grada Zenica", broj: 5/15) i člana 19. Odluke o izvršavanju Budžeta Grada Zenica za 2023. godinu, broj: 01-11-2584/23 od 08.02.2023. godine, na prijedlog JU Centar za socijalni rad, Gradonačelnik Zenice donosi

ZAKLJUČAK**o uvećanju sredstava u Budžetu Grada Zenica za 2023. godinu****I**

Odobrava se uvećanje sredstava u Budžetu Grada Zenica za 2023. godinu, broj: 01-11-2583/23 od 08.02.2023. godine, u iznosu od 5.250,00 KM na organizacionom kodu 59010002 – JU Centar za socijalni rad.

II

Uvećanje sredstava u Budžetu Grada Zenica za 2023. godinu iz tačke I vrši se na sljedeći način:

- a) u dijelu A- 2 PRIHODI I PRIMICI, iznos na budžetskoj poziciji 73 -"Tekući transferi od međunarodne organizacije za projekt Djelovanja JU Centar za socijalni rad Zenica u kriznim situacijama - sredstva UNICEF-a (neutrošena sredstva u prethodnoj godini)", ekonomski kod 731121, uvećava se za iznos od 5.250,00 KM.

Nakon uvećanja UKUPNO PRIHODI I PRIMICI BUDŽETA iznose 84.810.319,32 KM.

- b) u dijelu B-2 POSEBAN DIO - RASHODI I IZDACI PO BUDŽETSKIM KORISNICIMA, na organizacionom kodu 59010002 – JU Centar za socijalni rad, iznos na budžetskoj poziciji 181 - "Ugovorene i druge posebne usluge po projektu Djelovanja JU Centar za socijalni rad Zenica u kriznim situacijama - sredstva UNICEF-a (neutrošena sredstva u prethodnoj godini)", ekonomski kod 613900, funkcija 0112, uvećava se za iznos od 5.250,00 KM.

Nakon uvećanja UKUPNO RASHODI I IZDACI BUDŽETA iznose 84.810.319,32 KM.

III

Za realizaciju ovog zaključka zadužuju se JU Centar za socijalni rad i Služba za finansije.

IV

Ovaj zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-3821/23

Zenica, 28.02.2023. godine

GRADONAČELNIK
Fuad Kasumović, s.r.

33.

Na osnovu člana 34. tačka 6. i člana 117. Statuta Grada Zenica („Službene novine Grada Zenica“, broj: 5/15), a u vezi s članom 5. i 6. Pravilnika o imenovanju koordinatora antikorupcijskih aktivnosti u institucijama Zeničko-dobojskog kantona i jedinicama lokalne samouprave, broj: 21-02-6742/22 od 21.04.2022. godine, Gradonačelnik Grada Zenica donosi

RJEŠENJE**o imenovanju Tima za borbu protiv korupcije Grada Zenica****I**

Imenuju se Tim za borbu protiv korupcije Grada Zenica (u daljem tekstu: Tim) u sastavu:

1. Naila Muratović Šogolj, diplomirana pravnik, predsjednica/koordinatorica,
2. Mia Pojskić, diplomirana ekonomistica, zamjenica predsjednice/koordinatorice,

3. Zoran Kustura, diplomirani pravnik, član,
4. Emina Fejić, diplomirana ekonomistica, članica,
5. Denis Kulenović, diplomirani ekonomista, član.

II

Nadležnosti i zadaci Tima iz tačke I ovog rješenja su:

- a) vršenje koordinacije izrade operativnog plana za borbu protiv korupcije i plana integriteta,
- b) vođenje evidencije o realizaciji operativnog plana za borbu protiv korupcije i plana integriteta po zadatim indikatorima,
- c) vršenje evaluacije i predlaganje izmjena i dopuna operativnog plana za borbu protiv korupcije i plana integriteta,
- d) izrada komunikacijskog materijala za upoznavanje zaposlenih s obavezama iz operativnog plana za borbu protiv korupcije i plana integriteta,
- e) uspostavljanje i održavanje sektorske i druge saradnje s drugim nivoima vlasti u situacijama podijeljene nadležnosti,
- f) iniciranje provođenja kampanja u borbi protiv korupcije,
- g) prenošenje stečenog znanja iz ove oblasti na druge zaposlene,
- h) vršenje i drugih poslova i aktivnosti u saradnji s Uredom za borbu protiv korupcije Zeničko-dobojskog kantona.

III

Materijalnu i tehničku podršku za rad Tima osigurat će Grad Zenica, a finansijska podrška za sprovođenje aktivnosti Tima osigurat će se u Budžetu Grada Zenica.

IV

Tim će donijeti Poslovnik o radu kojim će bliže definisati postupak, način rada i pripreme izvještaja o radu.

V

Administrativno-tehničke poslove za potrebe Tima obavljat će sekretarka Tima Dženana Mujčinović Šarić.

VI

Ovo rješenje stupa na snagu danom donošenja i isto će se objaviti u „Službenim novinama Grada Zenica“.

Broj: 02-45-2874/23
Zenica, 13.02.2023. godine

GRADONAČELNIK
Fuad Kasumović, s.r.

34.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, broj: 12/03, 34/03 i 65/13), a u vezi sa članom 34. tačka 6) Statuta Grada Zenica („Službene novine Grada Zenica”, broj: 5/15), Gradonačelnik Grada Zenica donosi

R J E Š E N J E

o imenovanju Nadzornog odbora Javnog preduzeća „ZENICAGAS” d.o.o. Zenica

I

U Nadzorni odbor Javnog preduzeća „ZENICAGAS” d.o.o. Zenica, imenuju se:

1. Željko Bodul, diplomirani mašinski inženjer,
2. Edin Husanović, diplomirani ekonomista,
3. Elmina Milešić, diplomirana pravica.

Imenovani članovi Nadzornog odbora izabrat će predsjednika između sebe.

II

Mandat izabranih članova Nadzornog odbora je u trajanju od četiri godine.

III

Rješenje stupa na snagu danom donošenja i objavit će se u „Službenim novinama Grada Zenica”.

Broj: 02-45-2732/23
Zenica, 10.02.2023. godine

GRADONAČELNIK
Fuad Kasumović, s.r.

35.

Na osnovu člana 6. Zakona o javnim preduzećima („Službene novine Federacije BiH”, broj: 8/05, 81/08, 22/09 i 109/12), člana 234. Zakona o privrednim društvima („Službene novine Federacije BiH”, broj: 81/15 i 75/21) i člana 21. Statuta Javnog preduzeća „Vodovod i kanalizacija“ d.o.o Zenica („Službene novine općine Zenica”, broj: 5/06, 3/07, 7/07, 1/12 i „Službene novine Grada Zenica”, broj: 3/15 i 6/21), na prijedlog Nadzornog odbora broj: 100-11855-1/22MS od 06.09.2022. godine, Gradonačelnik Grada Zenica vršeći ovlaštenja Skupštine Javnog preduzeća „Vodovod i kanalizacija“ d.o.o. Zenica, donosi:

ODLUKU

O IZMJENI STATUTA JAVNOG PREDUZEĆA „VODOVOD I KANALIZACIJA“ D.O.O. ZENICA

Član 1.

Ovom odlukom vrši se izmjena Statuta Javnog preduzeća „Vodovod i kanalizacija” d.o.o. Zenica („Službene novine Općine Zenica“, broj: 5/06, 3/07, 7/07 i 1/12 i „Službene novine Grada Zenica“, broj: 3/15, 6/21).

Član 2.

Član 13. Statuta Javnog preduzeća „Vodovod i kanalizacija” d.o.o. Zenica se mijenja i glasi:

“Preduzeće je obavezno imati fond rezervi, koji obuhvata predviđeni zakonski minimum od 25% osnovnog kapitala Preduzeća, kao dio koji se odnosi na zakonske rezerve, dok dio koji premašuje zakonski minimum predstavlja statutarne rezerve koje se mogu koristiti u skladu sa ovim statutom i propisima koji regulišu ovu oblast.

Fond rezervi se formira iz dobiti i drugih izvora u skladu sa Zakonom o privrednim društvima i drugim propisima.

U fond rezervi izdvaja se najmanje 10% godišnjeg iznosa neto dobiti sve dok fond rezervi ne dostigne iznos od 25% osnovnog kapitala Preduzeća.

Ukoliko navedenim izdvajanjem fond rezervi ne dostigne predviđeni minimalni iznos do kraja pete poslovne godine, po godišnjem obračunu za petu i naredne poslovne godine, Preduzeće će povećati izdvajanja za ove namjene na 20% godišnjeg iznosa neto dobiti, sve dok fond rezervi ne dostigne predviđeni minimalni iznos. Isti princip će se primjeniti u slučaju

smanjenja fonda rezervi ispod 25% iznosa osnovnog kapitala Preduzeća.

Fond rezervi iznad predviđenog minimalnog iznosa, odnosno statutarne rezerve se koriste za pokriće gubitaka i drugih nepredviđenih troškova u poslovanju Preduzeća, a mogu se koristiti i za povećanje osnovnog kapitala, pod uslovom da je finansijskim izvještajem i izvještajem revizora za prethodnu poslovnu godinu utvrđeno da Preduzeće nema nepokrivenih gubitaka”.

Član 3.

Ostale odredbe Statuta koje nisu u suprotnosti sa ovom odlukom ostaju na snazi.

Član 4.

Preduzeće ima obavezu najkasnije 90 dana od dana donošenja ove odluke da uskladi ostale akte Preduzeća sa ovom odlukom.

Član 5.

Odluka stupa na snagu danom donošenja i objavit će se u „Službenim novinama Grada Zenica“, te dostaviti odjeljenju registra Općinskog suda Zenica.

Broj: 02-45-3862/23

Datum: 24.02.2023. godine

SKUPŠTINA
JP „Vodovod i kanalizacija“
d.o.o. Zenica
GRADONAČELNIK
Fuad Kasumović, s.r.

SADRŽAJ

GRADSKO VIJEĆE

- | | |
|---|---|
| 26. Odluka o dodjeli javnih priznanja Zenice povodom 20. marta - Dana Grada Zenica | 1 |
| 27. Odluka o objavljivanju Javnog oglasa za imenovanje pet članova Gradske izborne komisije Zenica | 1 |
| 28. Rješenje o imenovanju Drugostepene komisije za rješavanje po žalbi protiv rješenja u prvostepenom upravnom postupku | 5 |
| 29. Rješenje o razrješenju članova stalnih radnih tijela Gradskog vijeća Zenica | 5 |
| 30. Rješenje o imenovanju članova stalnih radnih tijela Gradskog vijeća Zenica | 6 |

GRADONAČELNIK

- | | |
|---|----|
| 31. Zaključak o uvećanju sredstava u Budžetu Grada Zenica za 2023. godinu | 7 |
| 32. Zaključak o uvećanju sredstava u Budžetu Grada Zenica za 2023. godinu | 8 |
| 33. Rješenje o imenovanju Tima za borbu protiv korupcije Grada Zenica | 8 |
| 34. Rješenje o imenovanju Nadzornog odbora Javnog preduzeća „ZENICAGAS” d.o.o. Zenica | 9 |
| 35. Odluka o izmjeni Statuta Javnog preduzeća „Vodovod i kanalizacija“ d.o.o. Zenica | 10 |